

KYRKJEBLAD

FOR VAKSDAL PRESTEGJELD

Nr. 4

SEPTEMBER 1990

44. ÅRG.



Siv Gullbrå vart konfirmert og Ole André Eikefet vart døypt i Eksingedalen kyrkje den 20. mai i år.

Foto: Gunnhild Lavik.

FOLKEKYRKJE ELLER Folkets Kyrkje

Ordet "kyrkje" brukar vi på mange måtar. Vi brukar det om kyrkjebygningen, om kyrkjesamfunnet vårt, (Evangelig luthersk) og om kyrkja i verda - fellesskapet av alle som trur på Jesus Kristus som Frelsar og Herre.

Kyrkja i Vaksdal er synleggjort ved sju kyrkjebygningar. Mange av paseringane i livet er knytt til desse husa. Difor er det ikkje mange som vil fjerne kyrkja. T.d. er alle gravferdene i frå ein av kyrkjebygningane. På kyrkjegarden har vi ei grav å gå til. Slike ting ristar ein ikkje av seg. Det er blitt ein del av ein sjølv.

Men kyrkja er meir enn ein bygning, og meir enn ein ytre organisasjon. I grunnlagsdokumentet for vårt kyrkjesamfunn (Den Augsburgske vedkjenninga) står det at "Kyrkja er ein forsamling av dei truande, der Guds ord blir forkynt og sakramenta blir rett forvalta". Det tyder at Kyrkja er forplikta, - ikkje på folkemeininga, men på Guds ord. Folkekyrkje tyder at kyrkja skal vera ei kyrkje For Folket - eit kristensamfunn som er ope for alle, MEN det tyder ikkje at Kyrkja skal vera FOLKETS KYRKJE, i den meininga at den skal avspeile folkemeininga. For: Folkemeininga er ikkje kristen! Den varierar med mange impulsar, av kvardagsfilosofisk art, påverka av mange slags "ismner" og "logier", - som er temmeleg den-sidig orienterte.

Kyrkja kan ikkje vera Folkets Kyrkje. Den er Jesu Kristi Kyrkje, - elles er det inga Kyrkje, men ein klubb fo djupare personlege problemstillinger.

Vi er dagleg vitne til alvorleg utgliding i samfunnet vårt på det kristeleg-etiske planet.

Haldningane til det heilage er borte hos så mange, og borna blir ikkje opplært til å respektere Guds ord og dei kristne verdiar i sitt liv, sjølv om dei er døypte til Jesu Kristi namn. Å nytta søndag som kvardag er temmeleg vanleg.

Det er knapt til noko velsigning for oss. Den norske motstanden mot kristendomsinnslag i barnehage og skule er overraskande sett i verds-samanheng, endå vi kallar oss eit kristent land.

Nei, folkemeininga kan ikkje avgjere Kyrkja sitt grunnlag.

Kyrkja har ein bodskap om Jesus som einaste berging for syndarar - ei evig von for den som ikkje ser noko anna framtid enn det riket Jesus vann ved si lidning og sin død. Dette må takast imot som ei gåve i tillit til Jesus, i tru på han.

Dette må Kyrkja forkynna med truskap. Det er ikkje populært, men det er livets hemmelighet, og Jesu eige oppdrag! Kyrkja må ha profil - så det ikkje går i ett med verda. Slik har vi bruk for den. Slik er utfordringa.

Ordet "Kyrkje" (kyriake) tyder: Det som høyrer Herren (Jesus) til!

Då seier kursen seg sjølv!

Sokneprest Per Inge Eide, Osterøy

DET ALMINNELIGE PRESTEDØMME

Jesu Kristi forsamling har ikke prester i gammeltestamentlig mening. Det levittiske presteskap i Det gamle testamentet er opphevet i den nye pakts tid. (Hebr. 9-11). Enhver kristen kan gå direkte til Gud med sin bønn, han trenger ingen mellom-mann. Vi har intet annet offer som gjelder for Gud, enn Jesu Kristi offer på Golgata, og det ble fullbyrdet en gang for alle da Jesus døde (Hebr. 10, 14). Og enhver kristen har både rett og plikt til å vitne for sin neste. Har han nådegave til det, har han også rett til å forkynne Guds ord offentlig.

Dette er en nytestamentlig tanke som Luther trakk fram igjen av glem-selen, Luther sier at disse tjenester er felles for alle kristne: Å forkynne Ordet, forrette dåp og nattverd, be for andre, og dømme om rett og vrang lære. Dette er ingen særrettighet for en bestemt geistlig stand.

Men for at det skal være i orden i en menighet, skal forsamlingen velge blant sine medlemmer en som er skikket til å tjene de andre med ord og sakrament. Luther legger vekt på at dette må være en mann som er virkelig skikket til dette. Den som slik blir valgt til å være forstander (prest), han tjener da forsamlingen i følge den fullmakt som Gud har gitt forsamlingen i sin helhet.

Gud vil at det skal være en slik ordning. Men denne ordning hindrer ikke at også andre kan forkynne Guds ord, om han har nådegave til det. Den hindrer heller ikke at en annen forretter dåp i nødstilfelle. Heller ikke er den noen hindring for at nattverden blir tatt i bruk i blant troende i mindre kretser.

Frå boka "Det kristne Livet"

av Carl Fr. Wisløff

Dette stykket og diktet er sendt inn av to av Kyrkjebladet sine lesarar på Vaksdal.

ØNSKEDIKTET



Den gamle bok

Av TRYGVE BJERKRHEIM

Eg faldar mine hender omkring den gamle bok, som mine fedrar forдум so tidt i handi tok. Der fann dei ljøs for vegen, der fann dei von og trøyst, i tru på han som hev oss frå dødsens lekkjer løyst.

Eg faldar mine hender i takk til han som gav til meg og mine fedrar so trygg ein vandrings-stav, — som tendra morgonstjerna, eit ljøs på livsens veg, til kvelden kjem og Herren meg hentar heim til seg.

Eg faldar mine hender ikring den gamle bok, der mine fedrar forдум all deira visdom tok. Den trøyst skal aldri svika, — ho svikta ikkje deim. Og i det same ljøset eg trygt skal finna heim.

SYNG OM DET !!

Dette er ei helsing frå Nesheim sokneråd. Som soknerådsformann hadde eg den store glede å få vere Eksingedalen sin utsending til Bispedømemøtet i Bergen i april. Inntrykka derifrå er mange og rike.

Det som sit att som den heilt store opplevinga, er s o n g e n. Innimellom foredrag, forhandlingar og diskusjonar var songen der. Han sameinte oss, velsigna og lyfte opp.

I Den Norske Kyrkje er vi no inne i eit år for evangelisering. Det er kyrkja sjølv sagt alltid. Men under mottoet "snakk om det" skal vi hjelpe kvarandre til å setje ord på trua. På Bispedømemøtet møtte vi òg oppmodinga til å "syngje om det". Vi eig ein rikdom i song- og salmeskatten vår. Djupe trussanningar er nedfelte der. Lat oss hente dei fram og dele dei med kvarandre.

All denne songarglede gav inspirasjon - og resulterte m.a. i at sokneråda i Eksingedalen bad inn til songkveld på Eksingedalen skule ein søndagskveld i juni.

Helsing Nesheim sokneråd v/Liv Sæther

SONGKOR I KYRKJA

Det er ikkje berre i Eksingedalen dei likar å syngja. Vi er ein del som samlast til korøvingar, og som iblant tek del i gudstenester og andre høve med songen vår.

Dersom du likar å syngja, kan det sikkert vera ein plass for deg òg i eit av desse kora. Det gjer ikkje noko om du ikkje har sunge i kor før.

"FIDES"

har øving i Vaksdal kyrkje. Vanleg dag har vore fredag kl. 18.00, men dette kan bli endra. Ungdom i alle aldrar - også frå andre stader i kommunen enn Vaksdal - er hjarteleg velkomne.

Ramma om samvera var den finaste ein kunne ynskje, junikveld med sol og fuglesong ute og med markblomar på alle bord i festpynta gymsal. Gamle og unge hadde funne vegen, den aller yngste var 18 dagar gamal, - og snart song vi om kapp med fuglekoret ute. Tonefylgje fekk vi på finaste vis av organisten vår, Asbjørn Nese på piano og lærar Mari Odland på fiolin. Frå SANGBOKEN hadde vi henta fram "perler frå bedehuset", - gamle og nye songar til vekkjing, trusstyrking, inspirasjon og kveik. Songane vart knytte saman med lesing av bibeltekstar og dikt.

Her i Eksingedalen tek vi oss gjerne tid til ei matøkt med prat. Slik vart det ein kveld med songarglede og fellesskap.

Til hausten held vi fram med salmekveld i Nesheim kyrkje. Da vert skattkista NORSK SALMEBOK, der vi vil hente fram gamle og nye salmar. Velkomne til alle i dalen, - og til andre òg! Det er fint å ta seg ein tur oppover Eksingedalen. Og det ligg ei særskilt vakker lita kvitmåla kyrkje på Nesheim. Vi blir svært glade når vi ser ho fullsett.

SALMEKVELD I
NESHEIM KYRKJE
SUNDAG 7. okt. kl. 16.00

VAKSDAL KYRKJEKOR har øving i Vaksdal kyrkje kvar måndag kl. 19.00

DALE KYRKJEKOR har øving i Dale kyrkje kvar onsdag kl. 20.30.

Begge kyrkjekora vil ynskja nye songarar hjarteleg vel møtt!

STAMNES UNGDOMSKOR har øving annan kvar fredag i Stamnes bedehus. Alle er velkomne frå 6.kl. og oppover - det er ingen øvre aldersgrense!



Sol ute - song inne.



På Eksingedalen skule 17. juni 1990.



Songarglede og fellesskap.



Den aller yngste.



Foto: Gunhild Lavik.

Barne- og ungdoms- arbeid i Vaksdal og Modalen

Som sikkert mange veit, har Nord-hordland Indremisjon ein barne- og ungdomsarbeidar i kommunane Vaksdal og Modalen. Reidun Skurtveit har hatt denne stillingen i fleire år no, og det er sikkert mange som har møtt henne i samband med det arbeidet ho driv. Arbeidet omfattar både barnelag, yngres-lag, barnemøtet og familiemøter.

Som ein vil forstå, er det ressurskrevjande for ein organisasjon å ha ein arbeidar fast plassert i eit område. Då stillinga vart oppretta, vart det difor lagt opp til at ein kunne skriva seg på ei fast gjevarteneste, og vi er taknemlege for dei som i desse åra har vore med å støtta arbeidet med faste bidrag.

Men kanskje var det fleire som på denne måten ville vera med å støtta Indremisjonen sitt barne- og ungdomsarbeid i Vaksdal og Modalen. Du kan då ta kontakt med underteikna på telefon 595043.

Vi vil samstundes nytta høvet til å takka alle dei som har støtta arbeidet gjennom bøn, gaver og basarar. Ein takk også til dei som er med i støtteforeining og som medhjelparar.

Ver med å be for Reidun Skurtveit og medhjelparane hennar og for borna og dei unge i kommunane våre!

FOR STØTTEKOMITÉEN FOR BARNE- OG
UNGDOMSARBEIDET I VAKSDAL OG MODALEN

Jostein Rene

BARNE- OG YNGRESLAGA

Barne- og Yngreslaga startar opp att i september.

Det vil bli gitt nærare melding om kva tid det blir på dei ulike stadene. Vel møtt til alle.

Helsing Reidun Skurtveit



Nytt skuleår tyder også søndagsskulestart, og Vaksdal Søndagsskulelag vil på denne måten få minna om søndagsskulearbeidet i kommunen vår.

Søndagsskolen er meint å vera eit ledd i den kristne oppsedinga av borna våre og såleis også ei hjelp til foreldra. Gjennom andakt, song m.m. får borna kjennskap til Guds ord og til evangeliet om Jesus Kristus.

I Vaksdal kommune er det søndagsskule på fylgjande stader og til fylgjande tider:

VAKSDAL:

Kvar søndag kl. 10.00 i Vaksdal kyrkje

STANGHELLE:

Kvar sønd. kl. 11. i Stanghelle Bedehus

DALE:

Kvar sønd. kl. 10. på "Nyesalen" i Forsaml. huset.

STRAUME:

Kvar søndag kl. 10.30 i "Karistova". (ikkje sønd. skule når det er gudst. på Stamnes.)

STAMNES:

Kvar søndag kl. 10.30 i Stamnes Bedehus. (ikkje sønd. skule når det er gudst. på Stamnes.)


BERGSDALEN:

Kvar søndag hjå Per Småbrekke

Vi vil oppfordra foreldra til å senda borna til søndagsskolen, og at du som les dette, kan minna borna du kjenner om søndagsskolen.

Vi vil også få be om forbøn for søndagsskulearbeidet, både for borna og leiarar.

VAKSDAL SØNDAGSSKULELAG



BARNESIDE

Tekst: Joh 10,27-28

Jesus tek vare på oss



27. Mine sauer høyrer mi røyst, eg kjenner dei, og dei fylgjer meg.
28. Og eg gjev dei evig liv; dei skal ikkje i all æve gå tapt, og ingen skal riva dei ut or mi hand.




Minneord:

"Eg vil vera med deg og verna deg kvar du fer."
1 Mos 28,15a

1. Løys kryssordet. Kva skal stå i hyrdingstaven?

- 1) Ikkje nei
- 2) "Eg gjev dei ___ liv."
- 3) "Mine sauer høyrer mi ___."
- 4) Gud vil vara deg kvar ___ fer.
- 5) Dyr med kvit, krulla pels.
- 6) Ord i minneordet
- 7) Jesus seier at han ___ sauene.
- 8) "Ingen skal ___ dei ut or mi hand."
- 9) Jesus er ___ her i teksten.
- 10) "Dei skal ikkje i all æve gå ___."
- 11) "Dei (sauene) ___ meg."
- 12) Jesus er den ___ hyrdingen.
- 13) Å sørgja for er å ha ___.
- 14) Kven vil Jesus ta vare på



Det er Reidun Skurtveit som brukar å laga BARNESIDA for oss i Kyrkjebladet. Denne gongen har vi henta oppgåva frå tekstboka som dei brukar i Søndagsskolen. Den heiter "Les med Lars og Lise."

Trådane i livsveven

Så titt her i livet det hender
eg skjønna ei kan Herrens veg,
så mange myrke tråder han sender
og inn i livsveven min han slær.

Eg ville ha ljose trådar
som var lette og glatt i veven gjekk inn,
men meisteren som over vevstolen råder
så titt dei myrke fargane finn.

Eg ville at mine bragder
i veven skulle klårt lysa fram.
men når i ljuset for han eg dei berer
då ser eg: mitt eige er berre skam.

Då gråtane eg fell for min meister:
"Herre, tak hand om veven min du,
og bruk dei trådar og fargar som tener,
berre ditt barn eg får vera, min Gud."

Då tek han meg nær til sitt hjarta
talar fred til mitt opprevne sinn:
Eg veit dei tankar eg tenkjer
om deg, dyre vennen min.

Ikkje til ulukke er mine vegar
men for å gjeva deg framtid og von,
og levande mot deg der lyser
i Jesus, din Frelsar, Guds son.

Og ein dag han veven skal vende
i det himmelske ljøs skal eg sjå
at alt som han her til meg sende
det var for at heim han sitt barn ville få.

Dette diktet er frå diktsamlinga til
Elise Straume som kom ut no i år.
Det er dikt som er knytta til bibel-
vers og kristentraua og frå høgtider
i Starnesbygda.

Dei som ynskjer å kjøpa heftet, kan
få det hjå Elise Straume. Inntekta
skal gå til Nordhordland Indremisjon,
Raknestunet.

Nokon å snakka med

Prestane har teleplickt. Dersom
du treng nokon å snakka med, står vi
til disposisjon. Vi veit at mange
går og slit med vanskelege ting. Ta
kontakt dersom du trur at vi kan
hjelpa deg!

Prestane i Vaksdal

**STOFF TIL KYRKJEBLADET**

I dette halvåret vil Kyrkjebladet koma
ut med tre vanlege nummer i sept., okt.,
og november og eit dobbeltnummer i des..
Eg har sett opp ein plan for dette som
eg vonar vil høva. Det er fint om dei
som vil senda inn stoff til bladet,
merkar seg dette. Send gjerne inn stoff
i god tid før fristen går ut, om du har
høve til det. Då er det lettare å plan-
leggja arbeidet med bladet. Du kan gje-
rne ringa til meg og fortelja om noko
du meiner bør koma inn i bladet i sta-
den for å skriva.

Nr. Månad Innlev.frist Kjem ut i

Nr.5 Oktober - 15.sept. veke 40

Nr.6 November- 20.okt. veke 45

Nr.7/8 Desember - 17.nov. veke 50

Helsing bladstyraren.

Tlf. 596133 e1. 596120 onsd.og fred.

LENA ASKELAND


Mitt vitnesbyrd

Jeg fikk en gang et lite kort av en
pike. På kortet stod det: "Gud har en
plan med ditt liv." Denne piken fikk
være et vitne for meg. Jeg har aldri
glemt det, og jeg tror at det var et
kall til meg fra Gud: Til tross for
din svakhet vil jeg gi deg frimodig-
het, utruste deg og bruke deg som
vitne.

Jeg vil vitne om at Jesus vil og
kan skape noe nytt i et menneskes
liv, han kan frelse og gi fred. Gleden
over det jeg selv har fått i Kristus,
vil jeg prøve å gi videre til andre.

Jesus lærte disiplene å være vitner.
Han utrustet dem også. Vi får begynne
i bønn, så vil Gud gå foran og lede.
Han kan gjøre langt mer enn vi for-
står å be om. Jesus har bruk for hver
enkelt av oss.

*Gud har ein plan med ditt liv,
ein plass berre du no kan fylla.
Så lat han få leia deg dit!
Hans signing skal livet ditt gylla.
(Trygve Bjerkheim)*



Dette er henta frå boka "SNACK OM DET-
HJELP TIL Å SETTE ORD PÅ TROEN".
Den er kome ut på Nye Luther Forlag.
Bak boka står "Kontaktforum for evan-
gelisering" som vil arbeida for
- å styrka evangeliseringsinnsatsen
og gudstenestelivet i kyrkjelydene
våre
- å gi einskildmenneske motivasjon
og opplæring for evangelisering
- å hjelpa til at kyrkjelyder og org-
anisasjonar fungerer som eit utad-
retta felleskap.

Dei mest kjende kristne organisasjon-
ane saman med Den norske Kyrkja - er
med i dette kontaktforum. Det er eit
stort evangeliseringsopplegg som vert
sett i gang rundt om i heile landet.

Du kan lesa boka som ein vanleg bok,
eller den kan brukast som studiebok
til dømes i ei bibelstudiegruppe.
Dersom du ikkje er med i ei slik
gruppe, kan dette vera ein måte å koma
i gang på. Dei fleste av oss har mange
tankar om trua som vi gjerne skulle
snakka med nokon om. Ta kontakt med
prestane, nokon i soknerådet eller
andre du trur kan få i stand ei slik
samtalegruppe. Lukka til med boka!

KYRKJEBLAD FOR VAKSDAL

Utgjevar: Sokneråda
Bladpengar: kr.50,-
Postgiro: 0804 5723473
Bankgiro: 3500.50.13117

Bladstyrar: Reidun Takvam

Boks 116
5280 Dalekvam
tlf. 596133

Kasserar: Asle Georg Karlsen
Boge, 5270 Vaksdal
tlf. 597232

Eksp. og trykk:

Øystese Trykkeri A/S,
5610 Øystese
tlf. 05 - 555045

Retur til Øystese Trykkeri A/S
5610 Øystese

SLEKTERS GANGVigdeVAKSDAL

28.07 Jarle Pedersen og
Nina Elisabeth Amundsen

DALE

02.06 Arnt Olav Sellevold
og Siv Kari Dyvik
04.08 Ole Petter Hestad
og Unni Merete Kjøndal
18.08 Stein Inge Carlsen
og Linda Mari Øie

STAMNES

21.07 Roy Willy Jensen
og Bjørg Gullbrå

EKSINGEDALEN

28.07 Sveinung Tyssen
og Liv Anne Bergo



...at dei må halda
trufast saman og hjelpa
kvarandre fram mot det
evige livet.

AvlidneVAKSDAL

17.05 Gerd Boge, f.1935
28.05 Magnus Johan Stavenes, f.1931
04.06 Johanna Ovida Hansen, f.1900
08.07 Sigrid Vaagenes, f.1906
06.08 Arvid Tolås, f.1933

STAMNES

03.06 Borghild Farestveit, f.1906

EIDSLAND

23.07 Ingrid Otterstad, f.1901
04.08 Arnvid Ekse, f.1924

NESHEIM

07.06 Marta Fosse, f.1905
02.07 Kristian Brakestad, f.1908

BERGSDALEN

31.07 Nils Rødland, f.1902

DøypteVAKSDAL

27.05 Siri Anne Hårvik Gjøen
27.05 Ove Andreas Kallestad
27.05 Thomas Amundsen Pettersen
27.05 Elias Hårvik Tvedt
27.05 Sindre Boge
04.06 Vidar Rosten Olsnes
04.06 Arne Sture Krogsrud
29.07 Julia Hanevik

DALE

03.06 Kjersti Johansen
03.06 Jan Olav Hagebø Mellesdal
05.08 Kamilla Drangevåg

EKSINGEDALEN

20.05 Ole André Eikefet

STAMNES

05.08 Sol-Mari Hesjedal
05.08 Kristine Straume Samuelsen

EIDSLAND


10.06 Kjetil Stamnes Carlsen
12.08 August Brekkhus Pettersen



...at dei må verta
verande hjå Kristus når
dei veks opp, liksom
dei ved dåpen er inn-
pota i han.

DALE

27.05 Ole Johnsen Dale f.1903
02.06 Ivar Iversen Tungeland f. 1911
15.07 Marta Kvamme f.1901
04.08 Aron Olaus Aronsen f.1903



...at me må læra å
telja våre dagar, så me
kan få visdom i hjarta.

NYTT FRÅ SOKNERÅDA! Vi noterer oss....ORGELET PÅ VAKSDAL

Orgelsaka på Vaksdal har trukke i langdrag. Det siste halve året har mykje tid gått med til å få orgelet godkjend i dei rette instansar. Same dag som godkjenninga kom, fekk soknerådet brev frå den aust-tyske orgelbyggjaren. Han skreiv at revolusjonen hadde ført med seg store endringar. Dei får ikkje lenger subsidiar frå staten, og prisen vert høgare.

Vi har no møtt orgelbyggjaren og drøfta saka nærare. Det synest klårt at orgelet må verta noko mindre enn vi vona. Vi ser no nærare på finansieringa, og vil deretter få eit nytt tilbud frå Aust-Tyskland. Soknerådet vonar at saka kan verta raskt avklåra, og vil arbeida med dette for auge.

Lat meg føya til at Jämlich Orgelbau nettopp har fullført eit stort orgel i Storetveit kyrkje i Bergen. Sume meiner at det er det beste orgelet i byen - bygd til ein rimeleg pris.

Kjell Arne Norum

På Dale kyrkjegard vart vart det planta på den nyaste delen i sommar. Sigmund Dalseid tok på seg arbeidet i samarbeid med kommunen, og Dale sokneråd er sers takksam for vel utført arbeid.

Neste oppgåve blir å få planlagt planting for resten av gravplassen. Planlegginga skal skje i haust slik at vi kan koma i gang i god tid til våren.

Vaksdal prestegjeld

Sokneprest: Inge Christian Meidell
tlf. 59 61 20

Res.kap. Kjell Arne Norum
tlf. 59 70 88

Hugs, måndagen er presten sin fridag!

Basar

Dale Indremisjon skal halda sin tradisjonelle "BEDEHUSBASAR" 21.-29. sept. og vonar på at folk vil stø godt opp om basaren.

DALE INDREMISJON HAR MØTEVEKE I FORSAMLINGSHUSET FRÅ 4.-9. SEPTEMBER.

VEL MØTT!

VAKSDAL INDREMISJON ER I GANG MED STOR EVANGELISK AKSJON LEITA AV JOHANNES BLOM I VAKSDAL KYRKJE. VELKOMEN TIL MØTA.

MISJONÆRANE VÅRE

Vi minner om misjonærane våre. Det er viktig at vi hugsar på dei i forbøn. ANNLAUG SANDAL reiste 6. august ut til ny periode på Madagaskar for Det Norske Misjonsselskap.

MARIT SANDAL, søstera hennar, er i Etiopia for Norsk Luthersk Misjonssamband. To familiar er i misjonen si teneste. GULLBORG OG ODDBJØRN MARIDAL og borna deira ved den norske skulen i Nepal for Den Norske Tibetmisjon. REIDUN LAASTAD DYVIK OG ODD DYVIK og borna deira ved den norske skulen på Taiwan for Det Norske Misjonsselskap.

Barn & Felt -15-



I informasjonsbladet LYS OG LIV frå Det Teologiske Menighetsfakultet, finn vi eit namn som mange av oss kjenner.

Det er Marita Elvemo Sivertsen som var kyrkjelyds-elev på Dale for nokre år sidan.

Marita er student ved MF og har ansvar for illustrasjonane i bladet.

VELKOMEN TIL KYRKJE



9.september - 14.søndag etter pinse

VAKSDAL kl.11.Vikarprest Sæbø og Johannes Blom.Nattverd.Offer til Nordhordland Indremisjon.

NESHEIM kl.11.Meidell,Konfirmantpres.
Offer til Den Norske Sjømannsmisjon.

16.september - 15.søndag etter pinse

STAMNES kl.11.Vikarprest Sæbø.Nattv.
Offer til Norges Kr.Student-og skole-
ungdomslag.

DALE kl.18.Norum.Konfirmantpresentasj.
Offer til Den Norske Sjømannsmisjon

23.september - 16.søndag etter pinse

EIDSLAND kl.11.Familiegudst.Meidell.
Utdeleing av "Barnas Kyrkjebok".
Offer til Redd Barna.

EKSINGEDALEN kl.11.Norum.

Laurdag 29.september

NESHEIM kl.20.Akademilektor Einar
Reigstad.Offer til NLA.

30.september - 17.søndag etter pinse

DALE kl.11.Meidell og Geir M.Nyborg.
Nattverd.Offer til NLA.50 års konfirm.

STAMNES kl.11. Nils A.Lavik.Nattverd.
Offer til NLA.

EKSINGEDALEN kl.11. Norum og Reigstad.
Nattverd.Offer til NLA.

EIDSLAND kl.17. Einar Reigstad.Offer
til NLA.

BERGSDALEN kl.16.Helga og Peder Leit-
haug talar og syng.

STANGHELLE kl.18. Nils A.Lavik. Offer
til NLA.

VAKSDAL kl.18.Meidell og Geir Nyborg.
Nattverd.Offer til NLA.

7.oktober - 18.søndag etter pinse

DALE kl.11.Meidell.Nattverd.Offer til
Den Norske Menighetshøgskole.

VAKSDAL kl.18.Norum.Konfirmantpresent.
Offer til soknerådet.

STÅR PLASSEN DIN TOM I KYRKJA NÅR DET ER GUDSTENESTE?

La oss samlast i Guds hus alle som har høve til det,og la oss prøva å få nye med oss på kyrkjevog.

Det er også fint å reisa til nabo-kyrkja når det ikkje er gudsteneste i vår eiga kyrkje.Slik er vi med på å styrka kvarandre og knyte fellenskapet sterkare saman.

VEL MØTT I KYRKJA!

KONFIRMANTPRESENTASJONAR

STAMNES	26.aug.	Meidell
NESHEIM	9.sept.	Meidell
DALE	16.sept.	Norum
VAKSDAL	7.okt.	Norum
BERGSDALEN	14.okt.	Norum
EIDSLAND	28.okt.	Meidell

BARNAS KYRKJEBOK

TIL 4-ÅRINGAR

EKSINGEDALEN	26.august
EIDSLAND	23.september
DALE	21.oktober
STAMNES	11.november
VAKSDAL	18.november